

黃氏逸書考

子史鈎沈

逸書考

王肅喪服要記

甘泉黃奭學

魯哀公祖載其父孔子問口寧設桂樹乎哀
公曰不也桂樹者起於介子推子推晉之人
也文公有內難出國之狄子推隨其行割肉
以續軍糧後文公復國忽忘子推子推奉唱
而歌文公始悟當受爵子推奔介山抱木而
燒死國人葬之恐其神魂賈於地

朱謀瑋云賈字誤當

作賈賈賈弓蒙袂屨屨賈賈然來注賈賈曰
不明貌異死曷子推迷祿隱迹抱樹燒死文

公拊木哀嗟伐而製屨每懷割鼎之功便視
其屨曰悲乎足下足下之稱將起於此矣

故作桂樹焉

釋史本
作樹樹

吾父生於宮殿死於枕

席何用桂樹爲

水經曰披瀝道元云六丁尚
非璠與送葬安能謂桂樹爲

禮乎王肅此
証近於誣矣

孔子問曰寧設三桃湯乎哀公曰不也桃湯

起於衛靈公有女嫁楚乳母送就夫家道聞

夫死乳母欲將新婦返新婦曰女有三從今

屬於人死當卒哀因駕素車白馬進到夫家

治三桃湯以沐死者出東門北隅禮三終使

死者不恨吾父無所恨何用三桃湯爲

御覽

孔子問曰寧設五穀囊乎哀公曰不也五穀囊者起伯也叔齊讓國不食周粟而餓於首陽之山恐魂之飢故作五穀囊吾父食味含哺而死何用此爲

類聚

孔子問曰寧設菰廬乎哀公曰不也菰廬起太伯太伯出奔聞古公崩還赴喪故作菰廬以障其尸吾父無太伯之罪何用此爲

上

孔子問曰寧設桐人乎哀公曰不也桐人起

於齊人虞卿遇惡繼母不得養父死不能葬
知有過故作桐人吾父生得供養何用桐人
爲

孔子問曰寧設魂衣乎哀公曰不也魂衣起
宛荆宛荆於山之下道逢寒死友哀

一作羊角哀

往迎其尸憫神之寒故作魂衣吾父生服綿
繡死於衣被何用魂衣爲

上全

孔子問曰寧設表門乎公曰夫表門起於禹
禹治洪水故表其門以紀其功吾父無功何

用焉

路史注

子史鉤沈

逸書考

趙岐三輔決錄 摯虞注

甘泉黃奭學

序

三輔者本雍州之地世世徙公卿吏二千石
及高貴者以陪諸陵五方之俗雜會非一
之風不但繫於詩秦邠也其爲士好高尚義
貴於名行其俗失則趣執進權唯利是視余
以不才生於西土耳能聽而聞故老之言目

能視而見衣冠之疇心能識而觀其賢愚常以元冬脩夜思而未之得也忽然而寢夢黃髮之士姓元名明字子真與余寤言言必有中夢中指言褒貶之事子授其人子真評之析違通理善否之間無所依違命操筆者書之近從建武以來暨於斯今其人既亡行乃可書玉石朱紫由此定矣故謂之決錄

後漢書趙

漢傳注

御覽三百九

子丸

玉海五十八

寶建

建字長君

史外戚世家索隱

何比干

汝南何比干通律法元朔中公孫洪辟爲廷尉右平獄無寃民號曰何公征和初去官在家天大陰雨晝寢夢有客車騎覺而一老嫗年八十餘頭盡白求寄避雨雨方甚而嫗衣履不濡比干異之延入坐須臾雨止嫗辭去出送至門跪謂比干曰君先出自后稷堯至晉有陰德及公之身當繼公一人今天賜策

以廣公子孫佩印綬者當隨簡長九寸凡百九十板以授比干曰子孫佩印綬者當隨此算姬東行忽不見比干年五十八有六男後三歲復生三男徙平陵八男去一子留常祭姬如東行及終遺令東首自比干已下與張氏俱葬靈瑞累世爲名族三輔舊語曰何氏策張氏鉤也

太平廣記三百九十一

字少卿漢武帝時丞相公孫宏舉爲廷尉右

平

書鈔五十五 說郛五十九 御覽二百三十一引作注

注曰茂陵何比干漢武時爲廷尉右平

河

案後漢書何敞傳敞六世祖比干爲廷尉
正注引何氏家傳俱不言右平杜佑通典
云漢宣帝地節三年初于廷尉置左右平
而三輔決錄注云何比干漢武時爲廷尉
右平諺矣據此則邢卿本文富
無右平字仲治注乃云然耳

接子

接子所著書十篇

姓纂二十九葉韻注引有接斲子

廣

案王應麟漢志攷史記接子齊人
慎到同時皆學黃老正義引藝文志接子
二篇此云武帝時說當攷應麟又引三輔
決錄有接斲子愚案漢志注似非家之

走此三車沙金

言守節採衆訓釋作正義所見漢書注云
齊人者當是舊說若便合下四字守節不
爲共取之以證史記矣其以爲武帝時說
者或是師古依決錄之說另有此注但宜
有師古曰三字別之不知何時脫去遂附
合爲一歟林寶姓纂捷姓引漢志捷子三
篇云齊人無下四字似寶作書亦止見舊
說也接姓更引三輔決錄接子書十篇又
與漢志篇數不符接子斷未審何
時人今因有武帝時說姑識於此

鄭樸

真名樸

前漢書王吉兩
龔鮑傳序注

嚴尊

平名尊

上同

韋元成

淮陽憲王宣帝愛子器異其才欲以爲嗣王
恃寵自驕天子乃用韋元成爲中尉以輔導
之爰詔與蕭望之等論五經同異於石渠閣
御覽二百四十八

劉龔

向曾孫

後漢書蘇
竟傳注

長安劉氏唯有孟公談者取則

文選王文
憲集序注

注曰唯有孟公論可觀者班叔皮與京兆

丞郭季通書曰劉孟公藏器於身用心篤

固實瑚璉之器宗廟之寶也

後漢書注同上

彌強

王莽時彌強

姓纂五支

范仲公

平陵范氏南陽舊語曰前隊大夫范仲公鹽

鼓蒜果共一筭言其廉儉也

御覽四百三十一

五百七十七

案顏氏家訓書證篇引三輔決錄云前隊大夫范仲公鹽鼓蒜果共一筭果當作魏

顆之顆北土通呼一出爲一顆蒜顆是俗
開常語耳故陳思王鷄雀賦曰頭如果蒜
目似花椒又道經云合口誦經十戶瓊瑣
眼中淚出珠子碾碾其字雖異其音與義
頗同江南但呼爲蒜符不知謂爲顆學士
相承讀爲裏結之裏言鹽與蒜共苞一裏
內莆中耳正史削繁音義又
音蒜顆爲苦戈反皆失也

張仲蔚

張仲蔚平陵人也與同郡魏景卿俱隱身不
仕明天官博物好屬詩賦所居蓬蒿沒人

御覽

九百九十七 藝文類聚八
十二 文選詣建平王書注

蔣詡

蔣詡字元卿隱於杜陵舍中三徑唯羊仲求

仲從之遊二仲皆挫廉逃名之士

御覽四百九 文選

田南樹園激流植援詩注 奉答內兄 願

叔詩注 歸去來辭注 初學記十八 廣

韻注引漢有求仲 說郛五十九

王邑

王邑爲仲弟奇求蔣翊女盛服送之翊辭不

受

疑有脫字

但衣青布曰受父命不敢違邑乃歎

曰所以與賢者婚欲爲此也

書鈔一百二十九

金敞

第五巡

韋端

陶潛羣輔錄曰孝廉杜陵金敞字元休上計掾長陵第五巡字文休上計掾杜陵韋端字甫休同郡齊名時人號之京兆三休並以光武元年察舉見三輔決錄

卓茂

卓茂字子康元帝時遊學長安以儒行為給

事黃門郎

御覽二百二十一
藝文類聚四十八

杜恕

杜恕字務伯拜黃門侍郎每直省閣威儀矜

嚴

御覽類聚
並同上

馬后

馬后志在克己輔上不以私家干朝廷兄爲

虎賁中郎將弟爲黃門侍郎訖永平世不遷

御覽類聚

並同上

馬援

馬援誡兄子書龐伯高敦篤周慎口無擇言

吾愛之重之願女曹效之世祖見援書卽擢

爲零陵太守在郡四年甚有治化

御覽二百五十九

藝文類聚五十一

茂陵馬氏

茂陵馬氏代襲茅土

文選爲宋公求加贈劉將軍表注

王元

平陵之王惠孟鏘鏘激昂囂述困於東平

後漢

書隗囂傳注

耿援

注曰援字伯緒官至河東太守

後漢書耿弇傳注

史苞

注曰苞字叔文茂陵人也

後漢書竇融傳注

鮑恢

民國甲戌

趙支三甫共象

七江都朱氏

鮑恢父爲縣吏有罪令欲殺之恢年十三常
伏門外凍地晝夜號泣令感而赦之御覽四
百八十六

郭伋

茂陵郭伋爲潁川化如時雨

文選齊安陸昭王碑文注

注曰伋字細侯光武拜潁川太守同上

第五頡

第五頡字子陵倫小子以清正爲郡功曹至
州從事公府辟舉高第侍御史南頓令皆稱

病免洛陽無主人鄉里無田宅寄止靈臺中

或十日不炊

御覽四百八十五 藝文類聚

初學記十二

說郭

五十九

案御覽二百二十三引爲諫議大夫

注曰頡字子陵爲郡功曹州從事公府辟

舉高第爲侍御史南頓令桂陽南陽廬江

三郡太守諫議大夫洛陽無主人鄉里無

田宅寄止靈臺中或十日不炊司隸校尉

南陽左雄太史令張衡尚書廬江朱建孟

興皆與頡故舊各致禮餉頡終不受

後漢書第

五倫
傳注

辛繕

辛繕字公文少治春秋詩易隱居宏農華陰
弟子受業者六百餘人居旁有白鹿甚馴不
畏人

藝文類聚九十五
說郛五十九

注曰辛繕字公文治春秋讖緯隱居華陰
光武徵不至有大鳥高五尺雞首鸛領蛇
頸魚尾五色備具而多青棲繕槐樹旬時
不去宏農太守以聞詔問百僚咸以爲鳳

太史令蔡衡對曰凡象鳳者有五多赤色者鳳多黃色者鷩雛多青者鸞多紫者鸞鷩多白者鷩鷩今五色多青乃鸞非鳳也

上善其言三公聞之咸避位辟繕繕不起

御覽九百十六 又九百十五引決錄注

太史令蔡衡云色多紫者鸞鷩 藝文類

聚九十引同

雅鷩鷩作鷩

孫晨

孫晨字元公家貧不仕居杜城中織箕爲業

兩詩書爲郡功曹冬月無被有藁一束暮臥

趙岐三輔決錄

九

真中旦收之

御覽二十七
作薪收作燒

四百八十五藁
九百九十七引

錄文少略
漢又作蒿

孫晨字元公爲鉅鹿太守寶之子家貧爲郡
功曹其將軍馬防聞名餽錢四百萬晨不敢
受而埋之閣內書鈔三
十八

井丹

井丹字大春少通五經善談論故京師爲之
一曰五經紛綸井大春書鈔

梁松

丹舉室疫病梁松自將醫藥治丹

御覽七百四十一

竇攸

注曰竇攸舉孝廉爲郎世祖大會靈臺得鼠如豹文熒熒光澤世祖異之以問羣臣莫能知者攸對曰鼯鼠也詔問何以知之對曰見爾雅詔案祕書如攸言賜帛百匹

文選篇
士表注

玉氏

陵有王氏

史孝武本紀索隱

案孝武紀公玉帶索隱曰玉或音肅姚氏或風俗通公玉音語錄反三輔決錄音肅該文以爲从玉音畜牧之畜今讀公玉與決錄音同然姓單複有異單音肅後漢司徒王況是其後也王氏未審何時人今因孝武紀索隱之辨姑識於此

韋孟達

公孫伯達

魏達

陶潛羣輔錄曰大鴻臚韋孟達土黨太守公孫伯達河陽長魏達扶風平陵人同郡齊名世號三達孟達名彪丞相賢五世孫明帝時人見決錄

晉文經

晉馮

漢有晉文經漢有晉馮

姓纂

案文經桓帝時人恃其才智行業無聞焉
明帝時人曾爲京兆祭酒結髮修身白首
樂道二子並漢時人廣韻注引晉本唐叔
虞之後以國爲氏魏有晉鄆王應麟姓氏
急就篇注引後漢晉文經晉馮

周季貞

周季貞班固姊之子也善屬文喪婦作問神

其姨曹大家難之

御覽五百二十一

張宇

張宇穆之第二子也以父功當封自言兩目
失明天子信之乃封弟恭其小弟好戲無度

放散家財悉以所得千萬與之天子聞而嘉之又知其讓封徵拜議郎

御覽五百十六

何敞

何敞字文高爲汝南太守章帝南巡過郡有刻鏤屏風爲帝張設命侍中黃香銘之曰古典務農雕鏤傷民忠在竭節義在修身敞懼禮賢命士政修德化

御覽九十一 藝文類聚六十九

白帖十四 王海九十一

馮豹

馮豹字仲文母爲父所出後母遇之甚酷豹事之愈謹時人爲之語曰道德彬彬馮仲文御覽四百三十四百九十六

馮豹字仲文爲尚書郎每奏事未報常伏省闕下或自昏至明天子默使人持被覆之敕令勿驚也日暮諸郎下豹每在後帝嘉之初學

記十一
郭五十九
說

梁鴻

梁鴻東出關過京師作五噫歌曰遵彼北邙

兮噫顧瞻帝京兮噫宮闕崔巍兮噫民之劬
勞兮噫遼遼未央兮噫肅宗聞而悲之求鴻

不得

御覽五百七十二
事類賦十一注

賈逵

賈逵建初元年受詔列春秋公羊穀梁不如
左氏四十事春秋名左氏長義帝大善賜布

五百匹

御覽六
百十

丁邯

丁邯字叔春正直不撓舉孝廉爲郎以

次補之世祖改用孝廉選邯補爲郎邯稱疾
不就詔問實病羞爲郎乎對曰臣實不病恥
以孝廉爲令史職耳世祖怒使虎賁杖之數
十詔問欲爲郎不邯曰能殺臣者陛下也不
能爲郎者臣也詔出不拜郎

御覽六百五十五
書鈔四十五

注曰故事尙書郎以令史久缺補之世祖
始改用孝廉爲郎以孝廉丁邯補焉邯稱
疾不就詔問實病羞爲郎乎對曰臣實不
病恥以孝廉爲令史職耳世祖怒曰虎賁

滅頭杖之數十詔問欲爲郎不邯曰能殺
臣者陛下不能爲郎者臣中詔遣出竟不
爲郎邯字叔春京兆陽陵人也有高節正
直不撓後拜汾陰令治有名迹遷漢中太
守妻弟爲公孫述將收妻送南鄭獄免冠
徒跣自陳詔曰漢中太守妻乃繫南鄭獄
誰當搔其背垢者懸牛頭賣馬脯盜跖行
孔子語以邯服罪且邯一妻冠履勿謝治
有異卒於官

後漢書百
官志注

王調

注曰調字叔和爲河南尹永和二年坐買洛陽合同郡任稜竹田及上罷城東漕渠

免官

後漢書樂恢傳注

曹成

齊相子穀頗隨時俗

後漢書列女傳注

注曰曹成壽之子也司徒掾察孝廉爲長垣長母爲太后師徵拜中散大夫子穀卽

成之字也

同上

樂已

注曰已字伯文爲郎非其好也去官

後漢書樂

恢傳

耿寶

注曰寶字君達

後漢書耿
弇傳注

趙牧

注曰牧字仲師長安人少知名以公正稱
修春秋事樂恢恢以直諫死牧爲陳寃得
申高第爲侍御史會稽太守皆有稱績及

誣奏恭安帝疑其佞乃遣御史母邱歆覆
案其事實下牧廷尉會赦不誅終於家

後漢

書孝明八
王傳注

曹衆

注曰衆與鄉里蘇孺文寶伯向馬季長並
遊宦惟衆不遇以壽終於家

後漢書蘇
順傳注

摯恂

注曰恂字季直好學善屬文隱於南山之

陰

後漢書馬
融傳注

蘇章

蘇章爲冀州刺史行部有故人爲清河太守案得其好貨乃請太守設酒接以溫顏太守喜曰人各有一天我獨有二天章曰今夕蘇孺文與故人歡飲私恩也明日冀州刺史白奏事公法也遂舉正其罪

藝文類聚五十一

崔瑗

蘇章爲冀州刺史召安平崔瑗爲別駕

御覽

士孫奮

平陵士孫奮字景卿少爲郡五官掾起宅得
錢貲至一億七千萬富聞京師而性儉恡客
舍僱錢甚少主人曰君士大夫惜錢如此欲
作士孫景卿耶不知實是景卿從子端梁冀
掾奮送絹五疋食以乾魚問奮何以相送端
以實對冀素聞奮富且恡乃以一鏤衢鞍遺
奮從貸五千萬奮知冀貪暴畏之以三千萬
與冀大怒乃告郡詐認奮母爲守官藏婢云

盜白珠十斛紫金千萬收考奮兄弟死獄中

貲財盡沒

御覽三百五十八

四百三十一

學記二十二

說郛五十九

後漢書梁冀

傳注引士孫奮字景卿少爲郡五官掾起家

得錢貲至一億七千萬富聞

京師作摯虞三輔決錄注

王湛

王湛字子嗣博學有才辨洛陽种景伯武原

吳季高未知名湛數稱二人於朱伯厚有宰

輔之器退語二人曰卿必爲公後景伯至司

徒季高至司空世以是服湛之知人也

御覽四原

四十

馬融

馬融爲南郡太守三輔以融在郡貪濁受主
記掾岐肅錢四十萬融子強又受吏白向錢
六十萬布三百疋以肅爲孝廉向爲主簿又
坐忤大將軍梁冀竟髡徒朔方自刺不死得
赦還拜議郎

御覽六百
四十一

法眞

注曰眞字高卿少明五經兼通讖緯學無

常師名有高才常幅巾見扶風守守曰哀公雖不肖猶臣仲尼柳下惠不去父母之邦欲相屈爲功曹何如眞曰以明府見待有禮故四時朝覲若欲吏使之眞將在北山之北南山之南矣扶風守遂不敢以爲吏初眞年未弱冠父在南郡步往候父已欲去父留之待正旦使觀朝吏會會者數百人眞於窗中窺其與父語畢問眞孰賢眞曰曹掾胡廣有公卿之量其後廣早歷

九卿三公之位世以服真之知人前後徵
辟皆不就友人郭正美之號曰元德先生
年八十九中平五年卒正父衍字季謀司
徒掾廷尉左監

蜀志法
正傳注

趙襲

趙襲字元嗣爲燉煌太守先是杜伯度崔子
玉以工草書稱於前世襲與羅暉亦以能草
頗自矜夸故張伯英與襲同郡太僕朱賜書
云上比崔杜不足下方羅趙有餘也

御覽七
百四十

九藝文類

聚七十四

注曰襲字元嗣先是杜伯度崔子玉以工草書稱於前代襲與羅暉拙書見蚩於張伯英英頗自矜高與朱賜書曰上比崔杜不足下方羅趙有餘也

後漢書趙岐傳注

趙無忌

注曰岐長兄磐州都官從事早亡次兄無忌字世卿部河東從事爲唐玳所殺

後漢書注

上同

陳重

陳重與其友雷義俱拜尙書郎義以左黜重
見義去官亦以病免

通典職官志注

弭生

弭生字仲叔其父賤故張伯英與李幼才書
曰弭仲叔高德善名命世之才也非弭氏小
族所當有新豐瘠土所當出也

藝文類聚二
十二說郭

五十九

案姓纂五支彌姓引漢末新豐人中叔見
決錄廣韻彌字注引三輔決錄有新豐彌

趙岐三輔決錄

升當卽是仲叔王應麟姓氏急
就篇引決錄作~~生~~生字仲升

賈彪

賈彪兄弟三人並有高名彪最優故天下稱

曰賈氏三虎偉節最怒

御覽四百九十六

魯寬

桓帝以平陵魯寬爲太子門大夫

御覽二百四十七

韋約

案後漢書作韋豹

韋約字季明司徒劉愷甚敬重之謂曰君以

輕去就去大位不躋今歲垂選御史實欲煩

君約曰犬馬齒盡既無膂力又無考課所以
躊躇戀慕者以明公禮遇隆崇未能自割因
稱素有風疾眩冒不堪久侍遂徒跣趨出公
追不及

御覽二百二十九
說郛五十九

宋酈

注曰酈字伯遇

後漢書靈帝
宋皇后紀注

孟他

平陵孟他盡以家財賂張讓監奴衆奴慙焉
時賓客求見讓者常數百乘累日不得通他

後至諸奴拜迎徑將他車獨入衆謂他與讓

善以珍物賂他他得以賂讓

藝文類聚三十卷五說郭五音

九御覽五百引奴慙下有問所欲他曰欲得卿曹拜無焉字

扶風孟他以蒲萄酒一斛遺張讓卽以爲涼

州刺史

御覽九百七十一後漢書張讓傳引佗字伯郎云云作決錄注

伯郎涼州人名不令休其

魏志明帝紀注案孫淵如讀本以

此絕句俟攷

注曰伯郎姓孟名他扶風人靈帝時中常

侍張讓專朝政讓監奴典護家事他仕不

遂乃盡以家財賂監奴與其結親積年家業爲之破盡衆奴皆慙問他所欲他曰欲得卿曹拜耳奴被恩久皆許諾時賓客求見讓者門下車常數百乘或累日不得通他最後到衆奴伺其至皆迎車而拜徑將他車獨入衆人悉驚謂他與讓善爭以珍物遺他他得之盡以賂讓讓大喜他又以蒲萄酒一斛遺讓卽拜涼州刺史他生達

少入蜀

同上 御覽五百四十二引作決錄略同

田鳳

長陵田鳳字季宗爲尚書郎儀兒端正入奏事靈帝目送之因題殿柱曰堂堂乎張京兆

田郎

御覽二百十五

案顏氏家訓勉學篇引三輔決錄云靈帝殿柱題曰堂堂乎張京兆田郎蓋引論語偶以四言目京兆人田鳳也有一士才乃言時張京兆及田郎二人皆堂堂耳聞此說初大驚駭其後尋尋愧悔焉

鄭達

鄭達字文信累辟不就大將軍何進表爲從

專中郎達志越其儔

書鈔七十八

嚴象

象字文則京兆人少聰博有膽智以督軍御史中丞詣揚州討袁術會術病卒因以爲揚州刺史建安五年爲孫策廬江太守李術所殺時年三十八象同郡趙岐作三輔決錄恐時人不盡其意故隱其書唯以示象

魏志荀彧傳注

案後漢書荀彧傳注引此文少略膽智作膽智

士孫瑞

瑞字君榮扶風人博達無不通天子都許追
論瑞功封子萌澹津亭侯萌字文始有才學與
王粲善粲作詩贈萌

後漢書董卓傳注

注曰瑞字君榮扶風人世爲學門少傳家
業博達無所不通仕歷顯位卓旣誅遷大
司農爲國三老每三公缺瑞常在選中大
尉周忠皇甫嵩司徒淳于嘉趙溫司空楊
彪張喜等爲公皆辭拜讓瑞天子都許追
論瑞功封子萌澹津亭侯萌字文始亦有

才學與王粲善臨當就國粲作詩以贈萌
萌有答在粲集中

魏志董
卓傳注

士孫萌

注曰士孫孺子名萌字文始少有才學年
十五能屬文初董卓誅也父瑞知王允必
敗京師不可依乃命萌將家屬至荊州依
劉表去無幾果爲李催等所殺及天子都
許昌追論誅董卓之功封萌爲澹津亭侯
與山陽王粲善萌當就國粲等各作詩以

贈萌於今詩猶存也

文選贈士孫文始詩注

馬日磾

注曰日磾字翁叔馬融之族子少傳融業

以才學進與楊彪盧植蔡邕等典校中書

歷位九卿遂登台輔

後漢書袁紹傳注魏志袁術傳注

後

漢書馬融傳注引決錄注曰磾字翁叔

周魚

注曰魚字文明茂陵人

後漢書獻帝紀注

游殷

游殷字幼齊與司隸校尉胡軫有隙軫誣搆殺之初殷爲郡功曹有童子張旣者時未知名爲郡書佐殷察異之旣過家具設賓饌及旣至妻笑曰君甚悖乎張德容童昏小兒何異殷曰卿勿怪乃方伯之器也殷遂與旣論霸王之事饗訖以妻子託之軫害殷月餘得病目脫但言伏罪游幼齊將鬼來於是遂死諺曰生有知人之明死有鬼靈之驗

御覽四百四十一

四百

九十六

游殷爲胡軫所害同郡吉伯房郭公休與殷
同歲相善爲總麻三月

御覽四
百九

張旣

張旣字德容爲童兒郡功曹游殷察異之殷
先歸敕家設賓饌及旣至殷妻笑曰張德容
童昏小兒何異客哉殷曰方伯之器也殷遂

與論霸王之略饗訖以子楚託之

御覽三
八十五

四百五引決錄潁陽游殷字季齊初爲郡功
曹有童子張旣者時未知名爲郡書佐接人
殷察異之云

云餘小異

潁陽游殷爲郡功曹有童子張旣爲書佐殷
察異之具設賓饌以子楚託之後魏王以旣
爲雍州時漢興郡闕王以問旣旣稱楚文武
兼才遂以爲漢興太守

藝文類聚
五十三

注曰旣爲兒童爲郡功曹游殷察異之引
旣過家旣敬諾殷先歸敕家具設賓饌及
旣至殷妻笑曰君其悖乎張德容童昏小
兒何異客哉殷曰卿勿怪乃方伯之器也
殷遂與旣論霸王之略饗訖以子楚託之

既謙不受殷固託之既以殷邦之宿望難
違其旨乃許之殷先與司隸校尉胡軫有
隙軫誣搆殺殷殷死月餘軫得疾患目脫
但言伏罪伏罪游功曹將鬼來於是遂死
於時關中稱曰生有知人之明死有貴神
之靈子楚字仲允爲蒲阪令太祖定關中
時漢興郡缺太祖以問既既稱楚才兼文
武遂以爲漢興太守後轉隴西

魏志張
既傳注

游楚

游楚表乞官箴拜駙馬都尉楚不學問性好
遨遊音樂及宮殿者琵琶箏笛每行來將以
自隨藝文類聚卷十四

韋康

韋康字元將京兆人孔融與康父端書曰前
日元將來淵才亮茂雅度宏毅偉世之器也
昨日仲將又來懿性貞實文愍篤誠保家之
主道不意雙珠近出老蚌甚珍貴之端從涼
州牧徵爲太僕康代爲涼州刺史時人榮之

後爲馬超所圍堅守歷時救軍不至遂爲超

所殺仲將名誕

魏書荀彧傳注 御覽五百十八引無其珍貴之以下云

云 藝文類聚五十又御覽二百五十五併引韋康代父爲涼州刺史父出止傳舍康入

官字時人蔡之

韋元將年十五身長八尺五寸爲郡主簿楊

彪稱曰韋主簿年雖少有老成之風昂昂千

里之駒

御覽二百六十五 書鈔七十三 白帖七十七

韋誕

韋誕字仲將除武都太守以書不得之郡轉

侍中典作魏書號散騎書一名大魏書凡五十篇洛陽鄴許三都宮觀始就命誕銘題以爲永制以御筆墨皆不任用因奏曰夫工欲善其事必先利其器用張芝筆左伯紙及臣墨皆古法兼此三具又得臣手然後可逞徑丈之勢方寸千言御覽七百四十七藝文類聚五十八又說郛五十九併引無皆不任用以上云云首有韋誕奏蔡邕自矜能兼斯喜之法非執素不妄下筆下接夫工欲善其事云云

馬氏五人

五門子孫凡民之伍今在河南西四十里澗
穀洛三水之交傳聞馬氏兄弟五人共居此
地作五門客舍因以爲名主養猪賣豚故民
爲之語曰苑中三公鉅下二卿五門嚙嚙但
聞豚聲

御覽四百九十六
八百二十八

注曰馬氏兄弟五人共居澗穀二水之交

作五門客舍因以爲名

御覽六十二
水經澗水注

注又曰鉅下地名

後漢書馬
嚴傳注

金旋

注曰金旋字元機京兆人歷位黃門郎漢陽太守徵拜議郎遷中郎將領武陵太守爲備所攻劫死子禕事見魏武本紀

蜀志先主

傳注

金禕

金禕爲郡上計留在許都時魏武使長史王必將兵衛天子於許都禕與必善必見禕有胡婢善射必常請之從役也

藝文類聚三十五初學記十

九說郛五十九

趙岐三輔決錄

二

時有京兆金禕字德偉自以代爲漢臣迺發憤與耿紀韋晃欲挾天子以攻魏南援劉備事敗夷三族

後漢書獻帝紀注

注曰時有京兆金禕字德偉自以世爲漢臣自日磾討莽何羅忠誠顯著名節累葉覩漢祚將移謂可季興乃喟然發憤遂與耿紀韋晃吉本本子邈邈弟穆等結謀紀字季行少有美名爲丞相掾王甚敬異之遷侍中守少府邈字文然穆字思然以禕

慷慨有日禪之風又與王必善因以聞之
若殺必欲挾天子以攻魏南援劉備時關
羽彊盛而王在鄴留必典兵督許中事文
然等率雜人及家僮千餘人夜燒門攻必
禕遣人爲內應射必中肩必不知攻者爲
誰以素與禕善走投禕夜喚德偉禕家不
知是必謂爲文然等錯應曰王長史已死
乎卿曹事立矣必乃更他路奔王曰必欲
投禕其帳下督謂必曰今日事竟知誰門

而投入乎扶必奔南城會天明必猶在文

然等衆散故敗後十餘日必竟以創死

魏志

武帝

紀注

射咸

漢末大鴻臚射咸本姓謝名服天子以爲將

軍出征姓謝名服不祥也改姓射名咸子登

授登蜀郡太守授中郎將

廣韻四十韻注
姓纂說部五十一

九王應麟姓

八急誠篇注

射援

注曰援字文雄扶風人也其先本姓謝與
北地諸謝同族始祖謝服爲將軍出征天
子以謝服非令名改爲射子孫氏焉兄堅
字文固少有美名辟公府爲黃門侍郎獻
帝之初三輔飢亂去官與弟援南入蜀依
劉璋璋以堅爲長史劉備代璋以堅爲廣
漢蜀郡太守援亦少有名行太尉皇甫嵩
賢其才而以女妻之丞相諸葛亮以援爲

祭酒遷從事中郎卒官

蜀志先
主傳注

項仲山

案項仲山以下十六條未審
係何時人俟考今編附於後

安陵清者有項仲山每飲馬渭水嘗投三錢

以償之

御覽六十二 四百二十八
初學記六 說郭五十九

郭詳

郭詳爲太尉長史起大宅在高陵城西世稱

曰長史宅

藝文類聚
六十四

邱訢

邱訢傲俗自謂無伍

御覽五百八 案皇甫
謐高士傳序邱訢於摯

恂法真
之上

吉閔

吉閔幼有美名九歲明尙書舅何遜死家貧
子幼閔自造墳塋殯葬之

御覽五百二十一

張氏何氏

張氏得鉤何氏得算故三輔舊語曰張氏鉤
何氏算何氏肥張氏瘦何氏有肥人輒貴瘦
人輒賤張氏瘦者輒貴肥者輒賤故二族以
鉤算知吉凶以肥瘦知貴賤

御覽三百七十八引作決錄注

說郭

五十九

民國甲戌

趙岐三輔決錄

三江都朱氏

張氏先爲京都功曹晨時早起忽有鳩從內
飛下投入張氏懷中探之得一銅鉤官至數
郡太守後失鉤官亦絕矣

白帖

竇元

平陵竇叔高以經術稱

文選褚淵碑文注

竇叔高名元爲郡上計吏朝會數百人儀狀
絕眾天子異之詔以公主妻之出朝同輩調
笑焉叔高時已自有妻不敢以聞方欲迎婦
與訣未發而詔叔高就第成婚

御覽三百八十九文選

注引摯虞曰
云云略同

案白帖引後漢竇元形貌絕異天子以公主妻之舊妻與元書曰棄妻斥女敬白竇生卑賤鄙陋不如責人妾日已遠彼日已親何所告訴仰蒼呼天悲哉竇生衣不厭新人不厭故悲不可忍怨不自去彼獨何人而居我處

王豹

王豹出自單門

文選王文惠集序注

摯茂

摯茂字子華以茂才爲郡法曹治財至大富
悉散以分宗人先從貧始以壽終

御覽四百七十七

民國甲戌

趙岐三輔決錄

三江都朱氏

龐勃

高陵龐智伯名勃爲郡小吏東平衡農爲書
生窮乏客鍛於勃家智伯知其賢尤加禮待
顧值過償及去送十里過舅家復貸錢贈之
農不肯受勃曰不受令勃不安農乃受曰爲
馮翊乃相報後果爲馮翊太守勃爲門下書
佐忘之矣農詔問乃悟舉孝廉爲尙書郎左
右丞魏郡太守河內太守

街覽四百四十四
四百七十九引

衡農下有字剽二字當是字

藝文類聚三十三

韋伯考

杜陵韋伯考鬻書養親既登常伯貂璫煌煌

承事尤謹

書鈔一百二十七

畢雲

畢雲爲主簿剛直樂善火燒楊園詔推之雲

自考劾遂死

書鈔七十三

韋權

權弟瓚

瓚弟矩

陶潛羣輔錄曰韋權字孔衡弟瓚字孔玉瓚弟矩字孔規太尉掾韋子才之三子皆修仁義兄弟孝友逢盜賊一人病不能去兄弟相募兵至俱死時人稱之號韋三義

見三輔
決錄

希海

希海字子江

廣韻八
微注

渦尙

扶風太守渦尙

廣韻七
歌注

侵恭

案廣韻二十一侵注侵
姓三輔決錄有侵恭

段氏

段氏李老君之自出段干木之子隱如入關

去干爲段氏

姓纂十九換

竇氏青山

文帝竇后名漪清河觀津人也父遭秦之亂
隱身漁釣墜淵而卒景帝卽位后登尊號遣
使者更填父所墜淵而築起大墳觀津城南

青山是也

御覽三百九十六 五百
五十八 書鈔九十四

注曰孝文竇皇后父隱身漁釣墜淵而卒

景帝立后爲太后再填父所墜淵而葬起

大墳於縣城南民號曰竇氏青山

後漢書郡國志

注

案史記外戚世家索隱引摯虞注錄注淵作泉民作人避唐諱也

辟雍

辟雍水四周於外象四海也

御覽五百三十四

未央宮

未央宮有延年殿合歡殿四車殿昭陽殿

黃圖

甘泉宮

后從帝行幸於甘泉宮居長定宮孝成許皇

后廢處昭臺宮歲餘徙長定宮

同上三百五十五

大引洪錄后從帝幸甘泉宮居長定宮

長安門

長安城面三門四面十二門皆通達九達以相經緯衢路平正可並列車軌十二門三塗洞開隱以金椎周以林木其左右出入爲往來之徑行者升降有上下之別

黃圖一百七十三

昆明池

昆明池中有神池通白鹿原人釣魚綸絕而去夢於漢武帝求去鉤帝明日戲於池見大魚銜索帝曰豈夢所見也取而放之後三日池邊得明珠一雙帝曰豈魚之報耶

御覽八百二

便橋

長安城西門曰便門橋北與門相對因號便橋王莽更名曰信平門誠正亭

黃圖一

酈鎬

注曰鎬在酈水東酈在鎬水西相去二十

五里

後漢書郡國志注

京兆

注曰京大也天子曰兆民

同上

扶風

注曰扶助風化也

同上

馮翊

注曰馮馮也翊明也

同上

案韻會十三職翊字注引三輔決

錄注馮輔也翊佐也作張要說可與漢志注參攷

鰲魚

鰲魚肥炙甚美諺曰寧去累世宅不去鰲魚

額

五色
線

附

趙岐初名嘉年三十餘有重疾臥蓐七年自
慮奄忽乃爲遺命敕兄子曰丈夫生一世處
無箕山二公之操仕無伊摯呂尙之勲天下
我與復何言哉聊立一圓石樹吾墓前刻之
曰漢有逸民姓趙名嘉有志無時命也奈何
後病愈

御覽

五百五十八
七百三十九

注曰岐娶馬敦女宗姜爲妻敦兄子也
至岐家多從賓與從妹宴飲作樂日夕乃
出過問趙處士所在岐亦厲節不以妹贅
之故屈志於融也與其友書曰馬季長雖
有名當世而不持士節三輔高士未嘗以
衣裾敝其門也岐曾讀周官二義不通一

往造之賤融如此也

後漢書趙岐傳注

岐爲皮氏長抑彊討姦大興學校

同

趙岐避難於四方江海岱霍無所不到自匿

姓名布衣布絮賣餅北海市安邱孫嵩年一
十餘乘犢車遊市見趙岐微察知非常人照
曰自有餅耶曰販之嵩曰買幾錢賣幾錢
曰買三十賣亦三十嵩曰視處士之些非實
餅者駐車呼與共載曰我北海孫嵩也終不
相負岐聞嵩卽以實告遂與俱歸嵩入白
母曰今日出得死友在外岐卽匿嵩家積年
乃出後詣劉表時北海孫嵩流離在劉表末
座不爲表所識岐遙識之向表說嵩甚奇重

之因其表嵩爲青州刺史

謝靈運四百七十一
文類聚七十二

案布絮當是

絮巾之訛

注曰是時綱維不振閹豎專權岐擬前代

連珠之書四十章上之箇中不出

後漢書
趙岐傳

注 玉海五十四引趙岐擬
前代連珠之書四十章上之

注曰岐還至陳倉復遇亂兵裸身得免在

草中十二日不食

後漢書
注同上

案以上所引文皆邠卿事
故別紙錄之冠於卷首